

Uno del Conseio di XL Zivil vecchio.

Sier Piero Bolani fo Cao di XL, qu. sier Alvise, qu. sier Marco procu- rator	491.538
Sier Alexandro da Molin fo podestà a Este, qu. sier Zuane <i>da la Mada- lena</i>	287.745
Sier Polo Morexint fo podestà a Muia, qu. sier Zuan Alvise	409.624
† Sier Marco Antonio da Mosto fo Cao di XL, qu. sier Piero	688.336

Fu posta la gratia di Zuan Battista di Luchini atende a Gran Conseio, dimanda, per soi meriti et haver servido a l'imprestelo, una expectativa di La qual parte, pende, et balotà do volte non ave il numero; vol li 5 sestì. Non fu presa. Ave:

Fu posta la gratia di , qual si vol apresenter in le preson a Verona per esser bandito, incolpado di homicidio absente, et lecto la risposta di sier Zuan Emo podestà di Verona che conseia farli la gratia, et è passada per tutti i Consegii, balotà do volte, non ave il numero.

Fo publicà per il Canzelìer grande, che tutti quelli è rimasti et intrerà in Pregadi, debano portar a Daniel di Vido li soi cinque bolletin di non esser debitori, *aliter* saranno privi di officii et Consegii, et non saranno lassati intrar.

82* *Da Crema, del Podestà et capitano, di 27.* Avisa lo exercito nostro esser a S. Martin et S. Donado, quel del Christianissimo a Gazan et Corsico.

Noto. Eri vene, et hoi tutti si certificò, come a di a Napoli di Romania era morto sier Alvixe Pizamano bailo, qual rimase per danari.

Da poi disnar fo Pregadi, et letto assà lettere, et vene:

Di campo, da S. Martin, di sier Piero da chà da Pexaro procurator, di 26, hore Come erano venuti li monsignor di Lutrech con l'exercito, et si tirerano sotto Milan.

Di sier Domenego Contarini proveditor general, da S. Donado, di 27, hore Come erano zonti li con l'exercito mia 8 lontano di Lutrech, et mia di Milan, et fatto corer li leggeri del conte di Caiazo, et una banda di altri verso Milan, et rebatuti inimici che alcuni ussitenno et fatto dar allarme in Milan, ma non però volseno ussir fuora, et haver brusato certa caxa.

Item, di 27, scrive de la morte del signor Zuan Lodovico Palavisin capo di colonello di 500 fanti noviter conduto a nostri stipendi, homo dignissimo et intendeva il mestier di le arme, maxime di fantarie, et era dotto.

Fu posto, per sier Lunardo Emo savio del Conseio, et li Savii a terra ferma, excepto sier Francesco Morexini, una parte di regulation di fantarie, *videlicet* che li capitani non possino haver manco di 400 fanti, nè più di 600, exceptuando qualche persona famosa, et habi per la sua persona seudi 12; tenendo un bon fante et un ragazzo; et li capi di squadra habi . . . , con altre clausule, *ut in parte*. Et sier Francesco Morexini sopraditto andò in renga, dicendo non è tempo da mover ste cose al presente, et vol contradirla, et poi si ha a far li Savii et tuor la Zonta, *unde* fu fatto venir zoso di renga et comenzà a balotar.

Fo chiamà il Conseio di X nuovo, el mandato 83 per sier Hironimo Loredan era fuora del Conseio, et reduti soli senza la Signoria, iusta il solito, fenò li soi capi per Octubrio, sier Alvise Gradenigo, sier Lazaro Mocenigo et sier Lunardo Emo stati altre fiade.

Scurtinio di 3 Savii del Conseio ordinarii, uno di qual è in loco di sier Zorzi Corner cavalier, procurator, a chi Dio perdoni.

Sier Marin Corner fo Consier, qu. sier Polo	76.139
† Sier Hironimo da chà da Pexaro fo savio del Conseio, qu. sier Beneto procurator	125. 95
Sier Piero Bragadin fo Consier, qu. sier Hironimo	55.160
† Sier Francesco Bragadin savio del Con- seio, qu. sier Alvise procurator	144. 71
† Sier Nicolò Bernardo savio del Con- seio, qu. sier Piero	136. 81
Sier Marco Minio fo savio del Conseio, qu. sier Bortolomio	61.160
Sier Sebastian Justinian el cavalier, è ambassador in Franza	112.118
Sier Piero da chà da Pexaro procura- tor.	113.113
Sier Marin Zorzi el dottor, fo savio del Conseio, qu. sier Bernardo	120.103
Sier Lorenzo Bragadin fo Cao del Con- seio di X, qu. sier Francesco	47.169
Sier Alvise Gradenigo fo Cao del Con-	